

REGLUGERÐ RÁÐSINS (EB) nr. 543/97**frá 17. mars 1997****um breytingu á reglugerð (EBE) nr. 1107/70 um aðstoð vegna flutninga á járnbrautum, vegum og skipgengum vatnaleiðum(*)****RÁÐ EVRÓPUSAMBANDSINS HEFUR,**

með hliðsjón af stofnsáttmála Evrópubandalagsins, einkum 75. og 94. gr.,

með hliðsjón af tillögu framkvæmdastjórnarinnar ⁽¹⁾,

með hliðsjón af álitum efnahags- og félagsmálanefndarinnar ⁽²⁾,

í samræmi við málsmeðferðina sem vísað er til í 189. gr. c í sáttmálanum ⁽³⁾,

og að teknu tilliti til eftirfarandi:

- 1) Í reglugerð ráðsins (EBE) nr. 1107/70 frá 4. júní 1970 um aðstoð vegna flutninga á járnbrautum, vegum og skipgengum vatnaleiðum ⁽⁴⁾, er kveðið á um að aðildarríkin geti stuðlað að þróun samsettra flutninga með því að veita aðstoð vegna fjárfestinga í grunnvirkjum, í föstum og færanlegum búnaði sem er nauðsynlegur vegna umfermingar, og í flutningabúnaði sem er gerður til samsettra flutninga sérstaklega og eingöngu notaður til slíkra flutninga, eða aðstoð vegna rekstrarkostnaðar við samsetta flutninga innan bandalagsins með gegnumflutningi um yfirráðasvæði þriðju ríkja.
- 2) Auknum kröfum um hreyfanleika fylgja sífellt meiri kvaðir og álag á fólk og umhverfi. Gera verður kleift að veita aðstoð vegna flutninga sem eru umhverfisvænir til þess að bregðast við afar ójafnri dreifingu kostnaðar og álags á mismunandi greinar flutninga.

- 3) Núverandi heildarstefna á sviði flutninga hefur ekki enn leitt af sér þær aðstæður að heilbrigð samkeppni skapist milli mismunandi greina flutninga. Járnbrautafyrirtækin hafa ekki enn náð jafnvægi í fjármálum sínum.
- 4) Þróun samsettra flutninga leiðir í ljós að þessi tækni er enn á byrjunarskeiði á öllum svæðum bandalagsins. Því ber að framlengja gildistíma aðstoðarinnar.
- 5) Af þessum ástæðum er rétt að viðhalda núverandi aðstoð til 31. desember 1997. Í samræmi við skilyrðin, sem kveðið er á um í sáttmálanum, ber ráðinu að ákveða hvaða tilhögun skuli gilda eftir það eða, ef þörf krefur, með hvaða skilyrðum þessari aðstoð skuli hætt.
- 6) Ekki ber að halda þeim möguleika opnum að veita aðstoð vegna rekstrarkostnaðar við samsetta flutningaþjónustu í gegnumflutningum um yfirráðasvæði þriðju ríkja nema vegna Sviss og ríkja þar sem fyrrum var Júgóslavía.
- 7) Ákvörðunin 75/327/EBE ⁽⁵⁾, sem 4. gr. reglugerðar (EBE) nr. 1107/70 vísar til, var felld úr gildi með 13. gr. tilskipunar 91/440/EBE frá 29. júlí 1991 um þróun járnbrauta í bandalaginu ⁽⁶⁾. Því ber að fella niður 4. gr.
- 8) Komið hefur í ljós að þær tegundir aðstoðar, sem heimilar eru vegna samsettra flutninga, hafa fullnægjandi áhrif og að þess vegna er unnt að einfalda eftirlit með þeim með því að undanþiggja þær málsmeðferðinni sem vísað er til í 3. mgr. 93. gr. sáttmálans.
- 9) Setning reglna um aðstoð, sem aðildarríkin úthluta vegna flutninga, heyrir að öllu leyti undir bandalagið og skulu reglurnar vera í formi reglugerðar.
- 10) Rétt er að breyta reglugerð (EBE) nr. 1107/70 í samræmi við þetta.

(*) Þessi EB-gerð, sem birtist í Stjtið. EB nr. L 84, 26. 3. 1997, bls. 6, var nefnd í ákvörðun sameiginlegu EES-nefndarinnar nr. 69/97 frá 4. október 1997 um breytingu á XIII. viðauka (Flutningastarfsemi) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

⁽¹⁾ Stjtið. EB nr. C 253, 29. 9. 1995, bls. 22.

⁽²⁾ Stjtið. EB nr. C 39, 12. 2. 1996, bls. 102.

⁽³⁾ Álit Evrópuþingsins frá 29. febrúar 1996 (Stjtið. EB nr. C 78, 18. 3. 1996, bls. 25), sameiginleg afstaða ráðsins frá 25. október 1996 (Stjtið. EB nr. C 372, 9. 12. 1996, bls. 1) og ákvörðun Evrópuþingsins frá 19. febrúar 1997 (Stjtið. EB nr. C 85, 17. 3. 1997).

⁽⁴⁾ Stjtið. EB nr. L 130, 15. 6. 1970, bls. 1. Reglugerðinni var síðast breytt með reglugerð EBE nr. 3578/92 (Stjtið. EB nr. L 364, 12. 12. 1992, bls. 11).

⁽⁵⁾ Ákvörðun ráðsins 75/327/EBE frá 20. maí 1975 um endurbætur á aðstæðum járnbrautafyrirtækja og samhæfingu reglna sem gilda um fjárhagstengsl milli slíkra fyrirtækja og ríkja (Stjtið. EB nr. L 152, 12. 6. 1975, bls. 3).

⁽⁶⁾ Stjtið. EB nr. L 237, 24. 8. 1991, bls. 25.

SAMÞYKKT REGLUGERÐ ÞESSA:**1. gr.**

Reglugerð (EBE) nr. 1107/70 er breytt sem hér segir:

1. e-liður 1. mgr. 3. gr. taki eftirfarandi breytingum:
 - í fyrstu og þriðju undirgrein komi dagsetningin 31. desember 1997 í stað 31. desember 1995;
 - í fjórða undirlið fyrstu undirgreinar falli niður orðið „Austurríki“;
2. 4. gr. falli niður;
3. í stað 2. mgr. 5. gr. komi eftirfarandi:

„2. Aðstoðin sem um getur í e-lið 1. mgr. 3. gr. skal undanþegin málsmeðferðinni sem kveðið er á um í 3. mgr. 93. gr. sáttmálans; upplýsingar um slíka aðstoð skulu sendar framkvæmdastjórninni sem áætlun í byrjun hvers árs og síðan sem skýrsla eftir lok hvers fjárhagsárs.“

2. gr.

Reglugerð þessi öðlast gildi á fyrsta degi eftir að hún birtist í *Stjórnartíðindum Evrópubandalaganna*.

Hún kemur til framkvæmda 1. janúar 1996.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 17. mars 1997.

Fyrir hönd ráðsins,

J. VAN AARTSEN

forseti.